

壽域詞一卷

杜世安

壽域詞

目錄

鵲沖天一調
浣溪沙二調
端正好四調
鳳銜杯二調
河滿子二調
更漏子三調
胡搗練一調
浪淘沙三調
巫山一段雪一調
安公子一調
剔銀燈三調
採明珠一調
瑞鶴鳴一調
菊花新二調

兩同心一調
惜春令二調
菩薩蠻三調
少年遊一調
山亭柳一調
喜遷鶯令一調
少年遊一調
更漏子一調
生查子一調
蘇幕遮一調
臨江仙二調
朝玉階二調
燕歸梁一調
鵲橋仙二調

玉闌干一調
踏莎行四調
醜奴兒二調
玉樓春七調
合歡帶一調
杜韋娘一調
鳳棲梧五調
行香子一調
賀聖朝二調
漁家傲三調
折紅梅一調
卜算子二調
酒泉子一調
虞美人三調

宋六十名家詞

鳳棲梧五調

二

壽域詞目錄終

壽域詞

宋 杜安世

鵲冲天

清明天氣永日愁如醉。臺榭綠陰濃。薰風細。燕子巢方就。盤池小。新荷蔽。恰是逍遙際。單夾衣。裳半籠。輾玉肌體。石榴美豔。一撮紅綃比。窗外數修篁。寒相倚。有箇關心處。難相見。空凝睇。行坐深閨裏。懶更妝梳。自知新來憔悴。

兩同心

巍巍劍外寒霜覆林枝。望衰柳。尚依依。暮天靜。雁陣高飛。入碧雲際。江山秋色。遣客心悲。蜀道嶠嶮行遲。瞻京都迢遞。聽巴峽。數聲猿啼。惟獨箇。未有歸計。漫空悵望。每每無言。獨對斜暉。

玉闌干

珠簾捲。春殘景。小雨牡丹零盡。庭軒悄悄。燕高空。風飄絮。綠苔暗侵。欲將幽恨。傳愁信。想後期無。今憑定。幾回獨睡。不思量。還悠悠。夢裏尋趁。

浣溪沙

模樣偏宜掌上憐。雲如雙鬢玉如顏。身材輕妙眼兒單。幽會未成雙悵望。深情欲訴兩艱難。

空教魂夢到巫山。

又

橫畫工夫想未全。雙雙文彩羽儀鮮。和鳴偕老是天然。暮雨並深流細草。暖風交頸傍清漣。羨他眞箇好因緣。

惜春令

春夢無憑猶懶起。銀燭盡。畫簾低垂。小庭楊柳黃金桴。桃臉兩三枝。妝閣慵梳洗。悶無緒。玉簫拋擲。絮飄紛紛人疎遠。空對日遲遲。

又

今夕重陽秋意深。籬邊散嫩菊開金。萬里霜天林葉墜。蕭索動離心。臂上茱萸新。似舊年堪賞。光陰百盞香醕且酬身。牛山會難尋。

踏莎行

雨霽風光。春分天氣。千花百草爭明媚。畫梁新燕一雙雙。玉籠鸚鵡愛孤睡。薜荔依牆。莓苔滿地。青樓幾處歌聲麗。暮然舊事上心頭。無言斂皺眉山翠。

又

夜雨朝晴。東風微冷。雕梁燕子閑相並。後園次第數芳菲。千香百豔年年定。步險樓高。人除

途迥煙蕪冉冉斜陽暝。紅牋寫盡寄無因。想伊不信人成病。

又

嫩柳成陰殘花雙舞。塵消院落新經雨。洞房深掩日長天。珠簾時有沈煙度。夜夢淒涼晨妝薄。注香肌瘦盡寬金縷。到頭終是惡因緣。當初只被多情誤。

又

閑院鞦韆又還拆了。綠苔徧地青春老。畫樓日晚燕歸巢。紅稀翠盛梅初小。窈窕身輕怎禁煩惱。羅衣漸減怯風峭。韶華好景想多才。厭厭只爲書音少。

端正好

檻菊愁煙霑秋露。天微冷雙燕辭去。月明空照別離苦。透素光穿朱戶。夜來西風彫寒樹。凭闌望迢遙長路。花牋寫就此情緒。特寄傳知何處。

又

每逢春來長如病。玉容瘦薄妝相稱。雙歡未經成孤冷。奈厚約全無定。衆禽啾唧聲愁聽。相思事多少春恨。孤眠帳外銀缸耿。透一點爐煙暝。

又

露落風高桐葉墜。小庭院秋涼佳氣。蘭堂聚飲華筵啓。罷令曲呈珠綴。晚天行雲凝香袂。新

聲內分明心意。玉爐初噴檀煙起。斂愁在雙蛾翠。

又

野禽林棲啾唧語。閑庭院殘陽將暮。蘭堂靜悄珠簾窄。想玉人歸何處。喜鵲幾迴無據。愁都在雙眉頭聚。淒涼方感孤鴛侶。對夜永成愁緒。

菩薩蠻

遊絲欲墮還重上。春殘日永人相望。花共燕爭飛。青梅細雨枝。離愁終未解。忘了依前在。擬待不尋思。剛取夢見伊。

又

花明月暗朦朧霧。此時欲往郎邊去。剗襪下香階。手攜金縷鞋。藥闌東畔見。執手假人顚。奴爲出來難。從君姿意憐。

又

錦機織了相思字。天涯路遠無由寄。寒雁只銜蘆。何曾解寄書。絨封和血淚。目斷西江水。擬欲託雙魚。問君情有無。

醜奴兒

櫻桃謝了梨花發。紅白相催。燕子歸來。幾處風簾繡戶開。人生樂事知多少。且酌金杯。管咽

聲哀慢引蕭娘舞一迴。

又

微風簾幕清明近。花落春殘。尊酒留歡。添盡羅衣怯夜寒。愁顏恰似燒殘燭。珠淚闌干。也欲高拚。爭奈相逢情萬端。

鳳銜杯

人生不似月初圓。歎分飛容易經年。悽慘斷雲片雨。金鉢小。玉槽慳。想至今。誰爲相憐。多少舊歡往事。一潸然。空牽惹。病纏綿。

又

留花不住怨花飛。向南園。情緒依依。可惜倚紅斜白。一枝枝。經宿雨。暮江披。凭朱檻。把金卮。對芳叢。惆悵多時。何況舊歡新恨。阻心期。滿空眼。是相思。

少年遊

小軒深院是秋時。風葉墮高枝。疎簾靜永。薄帷清夜。暑退覺寒微。淒涼天氣離愁意。音書杳難期。多情成病不須醫。更憔悴。轉尋思。

玉樓春

玉燭光明正旦好。斗柄東回春太早。嶺寒猶鎖去年梅。江暖新催今歲草。蜀國熙熙冬令杪。

更喜壽陽新夢覺。玉杯齊舉樂音諧。遙想金階天仗曉。

又

風解池冰蟬翅薄。庭樹枝枯籠翠萼。背寒迎暖起猶慵。閑捲珠簾憑盡閣。晴景融融烟漠漠。天際行人乖信約。病容先怯見春來。長到恁時添瘦惡。

又

晴景融融春色淺。落盡梅花千萬片。小池冰解水紋生。消息未聞梁上燕。樓倚輕寒風力軟。目斷孤雲天自遠。又還依舊去年時。寂寞病容人怪見。

又

三月牡丹呈豔態。壯觀人間春世界。鮫綃玉檻作扁櫳。淹雅洞中王母隊。不奈風吹兼日暝。國貌天香無物賽。直須共賞莫輕孤。回首萬金何處買。

又

綸命忽從天上至。使館兵權辭漕計。漢廷起草舊郎官。蜀部坐籌新將帥。紅旆碧幢春色裏。嬌馬嘶風花片墜。送行今日短亭中。惱亂故人須盡醉。

又

春景拋人無處問。多謝石榴花又噴。茜羅揉出辟英繁。紅蠟縷成香萼潤。血色新裙羞莫近。

密葉柔條相間襯。雨餘寂寞。假山亭。鄉國尙遙西海信。

又

三月初三春漸老。徧地殘花風暗掃。命儔噓侶擁笙歌。臨水汎觴遊宴好。浮利浮名何足道。麗景芳時須笑傲。今年不似去年懽。雲海路長天杳杳。

河滿子

細雨哀開紅杏。新妝粉面鮮明。東君何事交來早。更無綠葉同榮。燭倚青樓吟賞。目前無限輕盈。命薄不倚闌檻。或占郊垌清香。繁豔真堪愛。枉教寂寞凋零。相次牡丹芍藥。王孫誰道多情。

又

柳嫩不禁搖動。梅殘儘任飄零。雨餘天氣來深院。向陽纖草重青。寂寞小桃初綻。兩三枝上紅英。又見雲中歸雁。離離斷續和鳴。年年依舊無情緒。鎮長吟落銀屏。不語閑尋往事。微風頻動簾旌。

山亭柳

曉來風雨。萬花飄落。歎韶光虛過卻。芳草萋萋。映樓臺淡烟漠漠。紛紛絮飛院宇。燕子過朱閣。玉容淡妝添寂寞。檀郎孤願太情薄。數歸期。絕信約。暗添春宵。恨平康恣迷歡樂。時時悶飲。

綠醕甚轉轉思量著。

合歡帶

樓臺高下玲瓏。闌芳樹綠陰濃。芍藥孤棲香豔晚。見櫻桃萬顆初紅。巢喧乳燕。珠簾鏤曳。滿戶香風。罩紗幮。象牀屏枕。晝眠才似朦朧。起來無話更兼慵。念分明事成空。被你厭厭恣繫我。怪纖腰繡帶寬鬆。春來早是分飛兩處。長恨西東。到如今扇移明月。簾鋪寒浪。與誰同。

更漏子

雪肌輕。花臉薄。愁困不忺梳掠。眉翠曷。眼波長。假人言語香。看難厭。憐不足。苦恨別離何速。朱樹遠。彩鸞孤。今生重見無。

又

臉如花。花不笑。雙臉勝花能笑。肌似玉。玉非溫。肌溫勝玉溫。既相逢。情不重。何似當初休共。情既重。卻分飛。爭如不見伊。

又

鏤金環。連玉珥。顆顆蚌蛤相綴。假粉面。映蓮腮。露濃花正開。冷光凝。員影重。幾度偷期搖動。山枕上。恐人知。摘嫌纖手遲。

喜遷鶯令

花不盡。柳無窮。應與我心同。舫船一棹百分空。何處不相逢。朱絃悄。知音少。天若有情應老。勸君看取利名場。今古夢忙忙。

杜韋娘

暮春天氣。鶯老燕子忙如織。閒嫩葉題詩。悄梅小。乍徧水新萍。圓碧。初牡丹謝了。鞦韆搭起。垂楊暗鎖深深陌。暖風輕。盡日閑把榆錢亂擲。恨寂寂。芳容衰減。頓欹玳枕。困無力。爲少年狂蕩。恩情薄。尙未有歸來消息。想當初。鳳侶鴛儔。喚作平生。更不輕離拆。倚朱屏。淚眼滴損紅綃數尺。

胡搗練

數枝半斂。半開時。洞閣曉妝新注。寶香格。豔姿天賦。甘被羣芳妒。狂風橫雨。且相饒。又恐有彩雲迎去。牽破少年心緒。無計爲長主。

少年遊

小樓歸燕。又黃昏。寂寞鎖高門。輕風細雨。惜花天氣。相次過春分。畫堂無緒。初燃絳蠟。羅帳掩餘薰。多情不解。怨王孫。任薄倖。一從君。

鳳棲梧

整頓雲鬟初睡起。庭院無風。盡日簾垂地。畫閣巢新燕聲喜。楊花狂散無拘繫。近來早是添

憔悴金縷衣寬。賽過宮腰細。萋萋光陰似流水。春殘爲老人千里。

又

池上新秋簾幕捲。菡萏嬌紅。鑑裏西施面。衰柳搖風尙柔軟。眠沙鸕鶿臨清淺。新翻歸翅雲間燕。滿地槐花盡。日蟬聲亂。獨倚闌干暮山遠。一場寂寞無人見。

又

籬落繁枝千萬片。猶似多情。似雪隨風轉。昨夜笙歌容易散。酒醒添得愁無限。樓上春雪山四面。過盡征鴻。暮景烟深淺。一餉凭闌人未見。紅綃掩淚思量徧。

又

閑上江樓初雨過。滿袖清風。微散誰知我。蓮臉佳人顏未破。沙洲雨雨鴛鴦臥。時有漁歌相應和。疊秀危橫。黛潑山千朵。一片淒涼無計那。離愁還有些些箇。

又

惆悵留春留不住。欲到清和。背我堂堂去。飛絮落花和細雨。淒涼庭院流鶯度。更被閑愁相賺誤。夢斷高唐。回首桃源路。一餉沈吟無意緒。分明往事今何處。

浪淘沙

後約無憑。往事堪驚。秋蛩永夜繞牀鳴。展轉尋思求好夢。還又難成。愁思若浮雲。消盡重生。

佳人何處獨盈盈。可惜一天無用月。照空爲誰明。

又

又是春暮。落花飛絮。子規啼盡斷腸聲。鞦韆庭院。紅旗彩索。淡煙疎雨。念念相思。苦黛眉長。聚碧池驚散睡鴛鴦。當初容易分飛去。恨孤兒歡侶。

又

簾外微風。雲雨回蹤。銀釭燼冷錦幃中。枕上深盟。年少心事。陡頓成空。嶺外白頭翁。到沒由逢。一牀鴛被疊香紅。明月滿庭花似繡。悶不見蟲蟲。

更漏子

庭遠途程。算萬山千水。路入神京。暖日春郊。綠柳紅杏。香徑舞燕流鶯。客館悄悄閑庭。堪惹舊恨深。有多少駢駢。驀嶺涉水。枉廢身心。思想厚利高名。漫惹得憂煩。枉度浮生。幸有青松白雲深洞。清閑且樂昇平。長是宦遊羈思。別離淚滿襟。望江鄉蹤跡。舊遊題書。尙自分明。

行香子

黃金葉細。碧玉枝纖。初暖日當乍晴天。向武昌溪畔。於彭澤門前。陶潛影。張緒態。兩相牽。數株隄面。幾樹橋邊。嫩垂條絮蕩輕綿。繫長江舴艋。拂深院鞦韆。寒食下半和雨。半和烟。

巫山一段雲

笑擬條風戲。裝遲穀雨催。彩雲飛下柳樓臺。千朵一時開。惜恐塵埃染。驚疑紫府來。有時香噴入人懷。魂斷客徘徊。

生查子

關山魂夢長。塞雁音書少。兩鬢可憐青。只爲相思老。歸傍碧紗窗。說向人人道。真箇別離難。不似相逢好。

賀聖朝

東君造物無凝滯。芳容相替。杏花桃萼一時開。就中明媚。綠叢金朵。枝長葉細。稱花王相待。萬般堪愛。暫時見了。斷腸無計。

又

牡丹盛折春將暮。羣芳羞妬。幾時流落在人間。半開仙露。馨香艷冶。吟看醉賞。歎誰能留住。莫辭持燭夜深。怨等閑風雨。

安公子

又是春將半。杏花零落閑庭院。天氣有時陰。淡淡綠楊輕軟。連晝開繡簾半捲。招新燕。殘黛斂。獨倚闌干。暗思前事。月下風流。狂蹤無限。惜恐鶯花晚。更堪容易相拋遠。離恨結成心上病。幾時消散。空際有斷雲片片。遙峯暖。開杜宇。終日哀啼怨。暮煙芳草。寫望迢迢。甚時重見。

蘇幕遮

儘思量。寶耐。因甚當初。故故相招買。早是幽歡多障礙。更遣分飛。脈脈如天外。有心憐。無計奈。兩處厭厭。一點虛恩愛。獨上高樓臨暮靄。凭暖朱闌。這意無人會。

漁家傲

微雨初收月映雲。巢棲燕子欲黃昏。花片不飛風力困。春色盡。蠟梅枝上櫻□嫩。誰撼金環鎖深洞。薰餘乍厭錦衾溫。消減玉肌誰與問。朱明近。日長無事添閑悶。

又

疎雨才收淡淨天。微雲綻處月嬋娟。寒雁一聲人正遠。添幽怨。那堪往事思量徧。誰道綢繆雨意堅。水萍風絮不相緣。舞鑑鸞腸虛寸斷。芳容變。好將憔悴教伊見。

又

每到春來長如病。玉容瘦與薄妝稱。不慣被人拋擲日。思常本。奈向後期全無定。早是厭厭愁欲凝。花閒衆禽愁難聽。天賦多情翻成恨。有誰問。畫屏一點爐烟暝。

剔銀燈

昨夜一場風雨。催促牡丹歸去。孫武宮中。石崇樓下。多情怎生爲主。真疑洛浦。雲水算杳無重數。獨倚闌干凝竚。香片亂沾塵土。爭似當初。不曾相見。免恁惱人腸肚。綠叢無話。空留得寶

刀翦處。

又

夜永衾寒夢覺。翠屏共繡幃燈照。就枕思量。離多會少。孤負小歡輕笑。風流爭表。空惹盡一生煩惱。寫徧香牋分剖。鱗翼路遙難到。淚眼愁腸。朝朝暮暮。去便不知音耗。終須拚了。別選箇如伊才調。

又

好事爭如不遇。可惜許多情相誤。月下風前。偷相竊會。共把衷腸分付。尤雲殢雨。正繾綣朝朝暮暮。無奈別離情緒。和酒病雙眉長聚。往事淒涼。佳音迢遞。似此因緣誰做。洞雲深處。暗回首落花飛絮。

臨江仙

太史占天雲物好。初易律合黃鍾。日纏南極北郊風。雪花先柳絮。飛舞透簾櫳。聖運時和兼歲稔。歌歡處處皆同。簪聲相慶晚光中。金爐紅獸炭。一舉壽杯空。

又

徧地殘花庭院靜。流鶯對對相過。萬條風柳閒婆娑。櫻桃初弄色。萱草目成窠。早是芳菲時節晚。追遊期會無多。眉山斂翠近秋波。日長初睡起。愁與病相和。

折紅梅

喜輕澌初綻。微和漸入。郊原時節。春消息。夜來陡覺紅梅。數枝爭發。玉溪珍館。不似箇尋常標格。化工別與一種風情。似勻點胭脂。染成香雪。重吟細閱。比繁杏天桃。品流終別。可惜彩雲易散。冷落謝池風月。憑誰向說。三弄處。龍吟休咽。大家留取。時倚闌干。聞有花堪拆。勸君須折。

採明珠

雨乍收。小院塵消。雲淡天高露冷。坐看月華生。射玉樓清瑩。蟋蟀鳴金井。下簾幃。悄悄空階。敗葉墜風。惹動閑愁。千端萬緒難整。秋夜永。涼天迥。可不念光景。嗟薄命。倏忽少年。忍交孤冷。燈閃紅窗影。步回廊。嬾入香閨。暗落珠滿面。誰人知我。爲伊成病。

朝玉階

春色欺人。拂眼清。柳條綠絲輕。雪花輕。黃金纔鉞掩銀屏。陰沈深院靜。語嬌鶯。美人春困寶釵橫。惜花芳態。淚盈盈。風流何處最多情。千金一笑。須信傾城。

又

簾捲春寒。小雨天。牡丹花落盡。悄庭軒。高空雙燕舞翩跹。無風輕絮墜。暗苔錢。擬將幽怨寫香牋。中心多少事。語難傳。思量眞箇惡。因緣。那堪長夢見。在伊邊。

卜算子

深院花鋪地。淡淡陰天氣。水榭風亭朱明景。又別是愁情味。有情奈無計。漫惹成憔悴。欲把羅巾暗傳寄。細認取斑點淚。

又

尊前一曲歌。歌裏千重意。纔欲歌時淚已流。恨應更多於淚。試問緣何事。不語如痴醉。我亦情多不忍聞。怕和我成憔悴。

瑞鷓鴣

夜來風雨損餘芳。數片衰紅落檻旁。媚景背人容易去。半軒飛絮日空長。從來不信相思切。及至如今信感傷。獨立黃昏繡簾外。可堪新月露圓光。

燕歸梁

風擺紅綃捲畫簾。寶鑑慵拈。日高梳洗幾時忺。金盤水弄纖纖。髻雲鬆。嬾衣斜褪。和嬌嬾瘦。巖巖離愁更宿醒兼。空贏得病厭厭。

酒泉子

庭下花飛。月照妝樓春婉晚。珠簾風。蘭燒焰。怨空閨。迢迢何處寄相思。玉筍零零。腸斷屏幃。深更漏永夢魂迷。

菊花新

怎奈花殘又爲老。檻裏青梅數枝小。新荷長池沼。當時畫燕子聲鬧。亭闌花綻顏色好。風雨催催等閑開了。酒醒暗思量。無箇事甚剛煩惱。

又

坐臥雙眉鎖長斂。繡戶初開花滿院。羅幃翠屏空。風微動。玉爐煙颺。兒夫心腸多薄倖。百計思難爲拘檢。幾回向伊言。交今後更休拋閃。

鵲橋仙

別離情緒多方開解。卻免厭厭似醉。樓高終日倚闌干。目斷有千山萬水。妖嬈薄媚。不禁拋擺。漸覺肌膚瘦悴。當初相見偶然間。不喚作如今恁地。

又

日長天氣深深庭院。又是春愁滋味。池邊昨夜雨兼風。戰紅杏餘香亂墜。陰陰亭榭。暖煙輕柳。萬縷黃金翠地。一雙新燕卻重來。但暗把羅巾掩淚。

虞美人

紅顏綠鬢催人老。世事何時了。君心天意與年光。春花未徧已秋霜。爲誰忙。尊前正好閑風月。莫話呈離別。直饒終日踏紅塵。浮名浮利枉勞神。更愁縈。

又

江亭春晚芳菲盡。行色青天近。畫橋楊柳也多情。暗拋飛絮惹前行。路塵清。彤庭早晚瞻虞舜。遙聽恩遷峻。二年歌宴綺羅人。片雲疎雨忍漂淪。淚沾巾。

又

爐香晝永龍煙白。風動金鸞額。畫屏細展小山川。睡容初起枕痕圓。墜花鈿。樓高不及煙霄半。望盡相思眼。豔陽剛愛挫愁天。故生芳草碧雲連。怨王孫。

鳳棲梧

秋日樓臺在空際。畫角聲沈。歷歷寒更起。深院黃昏人獨自。想伊遙共傷前事。懊惱當初無算計。些子歡娛。多少淒涼味。相去江山千萬里。一回東望心如醉。

又

任在蘆花最深處。浪靜風恬。又泛輕舟去。去到灘頭遇壽侶。散唱狂歌魚未取。不把身心干時務。一副輪竿。莫笑閑家具。待擬觀光佐明主。將甚醫他民病苦。

又

別浦遲留戀清淺。菱蔓荷花。盡日妨鉤線。向晚澄江靜如練。風送歸帆飛似箭。鷗鷺相將是家眷。坐對雲山。一任炎涼變。定是寰區又清晏。不見龍驤波上戰。

又

閑把浮生細思算。百歲光陰。夢裏銷除半。白首爲郎休浩歎。偷安自喜身強健。多少英賢裨

又

新月羞光影庭樹。窗外芭蕉。數點黃昏雨。何事秋來無意緒。玉容寂寞雙眉聚。一點銀缸局
繡戶。莎砌寒蛩。歷歷啼聲苦。孤枕夜長君信否。披衣顚坐魂飛去。

壽域詞終

壽域詞

壽域詞跋

杜壽域不知何許人。據陳氏云。京兆杜安世。字壽域。黃氏又云。字安世。名壽域。未知孰是。儕輩嗤其詞不工。余初讀其訴衷情云。燒殘絳蠟。淚成痕。街鼓報黃昏。碧雲又阻來信。廊上月侵門。愁永夜。拂香裯。待誰溫。夢蘭憔悴。擲果淒涼。兩處消魂。語纖致巧。未嘗不工。此詞載花庵詞選。不載本集。本集載折紅梅一首。龔希仲又謂是吳中丞紅梅閣詞。紀之甚詳。吳咸字應之。以文章知名。天聖二年。省試爲第一。又中九年書判拔萃科。仕至殿中丞。居小市橋。有侍姬曰紅梅。因以名其閣。嘗作折紅梅詞曰。喜經漸初泮。微和漸入。芳郊時節。春消息。夜來陡覺紅梅數枝爭發。玉溪仙館。不是箇尋常標格。化工別與一種風情。似勻點胭脂。染成香雪。重吟細閱。比繁杏天桃。品流真別。只愁共彩雲易散。冷落謝池風月。憑誰向說。三弄處。龍吟休咽。大家留取倚闌干。聞有花堪折。勸君須折。其詞傳播人口。春日羣宴。必使倡人歌之。吳死。其閣爲林少卿所得。兵火前尚存。子純字晦叔。文行亦高。鄉人呼爲吳先生。楊元素本事集誤以爲蔣堂侍郎。有小鬟號紅梅。有殿丞作此詞贈之。可見詩詞名篇。互淆者甚多。同時尙未能析疑。何況千百年後邪。古虞毛晉識。